



Digitized by the Internet Archive
in 2010 with funding from
Boston Public Library

R E C I T
VERITABLE
DE LA DEFFAITE DES
TROVPPES DE MONSIEVR
le Prince de Tingry,

Par Monsieur de Praslain, Lieutenant
de Monsieur le Marechal de Bois-
Dauphin en l'armée de sa Majesté.

*Où sont desnommez tous les Capitaines,
tant d'une part que d'autre.*

Ensemble la lettre enuoyée par Monsieur le
Marechal de Bois-Dauphin, à Monsieur
de Liancourt, Gouverneur de Paris.



A P A R I S,
Par JEAN BOVRIQVANT, au mont S.
Hilaire, pres le puits Certain, au Lys
fleurissant.

M. DC. XV.
Avec Permission.

MEMORANDUM

TO : THE ATTORNEY GENERAL

FROM : THE DEPARTMENT OF JUSTICE

SUBJECT: [Illegible]

[Illegible text block]

[Illegible text block]

[Illegible text block]



[Illegible text block]

[Illegible signature]

[Illegible text]



RECIT VERITABLE DE
la deffaicte des troupes de Mon-
sieur le Prince de Tingry.



N toutes sortes d'affaires
& principalement aux
militaires, il faut que la
maturité des Conseils
soit celle qui destrempe
les courages des Chëfs,
ne leur estant suffisant d'estre suiuis de
soldats hardis & courageux; mais ne-
cessaire outre cela, qu'ils le soient de
gens qui par la maturité de leur aage
& leur conseil sçachent avec prudence
gouverner & regir, & qui avec vne dis-
cretion selon l'opportunité du temps,
sçachent disposer, ordonner & prevoir
les effects qui autant bien que mal peu-
uent aduenir, attendu qu'il se voit par
experience que les armées ne valët rien
sans conseil.

Si Monsieur le Prince de Condé eut obserué ceste maxime, il n'auroit appris la perte qu'il fit le Mecedry 21. Octobre de la presente année, entre cinq & six heures du soir, de son aduant-garde commise à Monsieur le Prince de Tingry, qui y auoit sa compagnie de gens-d'armes, commandée en son absence par le sieur du Hamel guidon: En laquelle aduant-garde estoient aussi deux compagnies de cheuaux legers cōmandée par les sieurs de Villars & de la Bauue: deux compagnies de Carabins cōduite par le Capitaine l'Epine Borgne: la compagnie des gardes dudit Prince de Tingry, commandée par le sieur de Michery.

Pour Mr le Prince de Tyngryil s'estoit départy desdites troupes à neuf heures du matin, accompagné de Monsieur de Beaujeu son Lieutenant, & du sieur de Guionuille, pour aller trouuer Monsieur le Prince qui estoit à Ioigny, distant d'une lieuë & demie d'où ladite aduant-garde a esté deffaiète.

Or ainsi que les ieunes guerriers ac-

quierent reputation, se hazardans courageusement & indiscretement: par le contraire les vieux qui l'ont desia acquise la conseruent & l'augmentent, se bien tenans sur leurs gardes, & allans tousiours retenuement en besoigne, mesmement où il s'agist des affaires de tout vn Estat.

C'est ce qui fit que Mr le Marechal de Bois-Dauphin, duquel le conseil, le courage & l'experience és choses de la guerre sont notoires à vn chacun, estât party de S. Iulien du Sault, eut aduis que Monsieur le Prince auoit passé à guay la riuiera d'Yonne & estoit à loigny, & que son aduant-garde commandée (comme il a esté dit) estoit au bourg de Chaulay, ne se resolut point precipitement de l'aller attaquer en allant au deuant de son armée, mais enuoya Monsieur de Praslin son Lieutenant avec les trois Regiments de messieurs de Riche-lieu, Vuabecourt, & Rambures, & la compagnie de cheuaux legers du Roy, commandée par monsieur de Contenan, & vne partie

de celles de messieurs de Victry, Monglas, Zamet, Bussi, le Cōte de la Mark, le Marquis de Sablé, Marolles, & le marquis de Nangis, avec la compagnie de gensd'armes de monsieur le Prince de Ioinuille, & celle de Carabins de monsieur de Gyé, pour apprendre & recognoistre ce qui pourroit y auoir dans ledit bourg de Chaulay.

Ces braues & vaillants Capitaines auoient trop de courage pour refuser telle occasion de se faire paroistre & leurs affections au bien de l'Estat, & au seruice de leur Roy: C'est pourquoy en mesme instant ils monterent à cheual, & recogneurent qu'audit Chaulay y auoit quantité de gensd'armes: Ce qu'ils rapporterent audit sieur Marechal, qui aussi tost commanda qu'ils fussent inuestis.

La diligence est le nerf des actions humaines, elle ne peut estre qu'es moyens preparez, non esloignez & diuisez: Aussi n'en estoient ignorans tous ces vaillans Capitaines: c'est pourquoy ils apporterent telle diligence qu'ils in-

uestirent l'aduant - garde dudit sieur Prince de Condé, & la firent sommer parvn trōpette de se rendre, ce qu'ils ne voulurent faire, & respondirent qu'ils estoient trois cens Gentils - hommes, & que plustost ils mouroient que de se rendre : & aussi que dans demie heure ils esperoient auoir du secours de Monsieur le Prince. L'on fit assçauoir ceste resolution à Monsieur le Mareschal, qui estoit demeuré avec le canon, le reste de l'Infanterie, les Suisses, les compagnies de la Roynie & de Monsieur de la Chastre à deux cens pas dudit Chaulay.

Aussi tost ledit sieur Mareschal commanda qu'en toute diligence deux bastardes y fussent conduites & suiuiues de toute l'artillerie : ce qui fust executé.

Si ce braue Capitaine Monsieur de Praslain, hardy cōme vn autre Brasidas, appuyé de l'autorité de son Roy, marchoit allegrement en ce conflict d'honneur, les autres Capitaines l'ayants en teste n'y alloient aussi froidement : de façon qu'en les voyant aller, il n'y auoit subject de doubter qu'il n'enfon-

çassent tout, & n'esbrechassent les resolutions de leurs ennemis.

On le vit avec tous les autres Capitaines sus-desnommez, se resoudre de rendre tous les effects que l'on pouuoit esperer de grâds courages tels que les leurs.

Et ayant ioinct ladicte aduanguardie sur les six heures du soir, le sieur de Praslain voulut luy faire sçauoir son arriuée, la saluant de quatre coups de Canons.

Presque tous ces gens là auoient déjà le ventre à la table, & le cœur à piller le bon homme, ne songeant rien moins qu'à telles visites, ny a tels hommes de chambres pour leur apporter le vin de couche & leurs besongnes de nuit : de sorte qu'aussi tost ils perdirēt tout courage, & firēt faire vne chamade par vne trompette, & en mesme temps se rendirent, à condition de sortir la vie sauue, avec le baston blanc, faisans sermēt de ne porter iamais les armes contre le seruice du Roy : Ce qui leur fut accordé par le sieur de praslin, la presence du-

quel ne leur fut vn foible canon pour se rendre. pour tous les chefs il fut arresté qu'ils demeureroient prisonniers de guerre. Voila toute la resistance & resolution de ces gēs-d'armes, qui bien dissemblables de Granius petronius, lequel Scipion ayant prins en Afrique dans vn des Nauires de Cesar, & ayant fait mettre en pieces tous les soldats qui y estoient, & luy voulant donner la vie, respondit que les soldats de Cesar n'auoient pas accoustumé de receuoir la vie en don, mais de la donner aux autres: & en disant cela se passa l'espée au trauers du corps, & se tua luy-mesme. Ceux cy, dis- ie, bien dissemblables à ce petronius, n'attédirent qu'on leur donnast la vie, mais la demanderent sans coup ferir. Ils meritoient de subir la peine des poltrons, portée par la loy de Charondas: laquelle peine estoit qu'ils demeuroient trois iours en place publique en habit de femme.

Tout le butin de ladite auant garde fut donné aux soldats, & se môte à plus de cent mil escus: le prince de Tingry


tout seul y a faict perte de plus de cinquante mil escus. Il luy fut pris de sa despense ordinaire quatre mil escus, douze mil escus pour le payement de ses gens de guerre, vingt pieces de grãds cheuaux estimez vingt mil escus, & pour dix-huict mil escus de pierreries.


Demie heure après que la retraicte fut faicte, parut avec trois gros de Caualerie ce Magnanime prince Henry de Lorraine Duc de Mayenne, qui ayant aprins ceste grand' perte, tournât les yeux vers le Ciel, mouroit de regrets de ce qu'il ne s'estoit trouué pour monstrier qu'il ne degeneroit de ceux de sa maison, qui ont en tant de lieux heureusement tesmoigné leur grand courage.

Nonobstant tout cela, voyant que la partie estoit mal faicte de son costé, pour n'encourir le nom de temeraire, & pour ne perdre beaucoup de bons soldats qu'il auoit, fust contrainct de faire marquer ceste chasse, & remettre la partie à vne autre fois, & ainsi retourna sur ses pas.

Ceste desfortune arriuée du commencement à l'armée aduerse de celle de sa Majesté, fait esperer à tous les bõs & fidels François que par la bonne conduite de Monsieur le Marechal de Bois-Daulphin, & des vaillans Capitaines qui secondent ses desseins, les affaires du Roy auront vne bonne fin : aussi les Romains s'obligeoient à la perfection des leurs dans le cours de l'année, par les trames qu'ils en ourdissoient le premier iour de l'An.

F I N.





LETTRE ENVOYEE

*par Monsieur le Marechal de Bois-
Dauphin, à Monsieur de Liancourt
Gouverneur de Paris.*



MONSIEVR le Marechal
ayant eu aduis que M^osieur le Prince auoit
passé à guay la Riuere
d'Yonne, se resolut d'aller au de-
uant: il eut aduis que l'aduanguard
commadée par Monsieur le Prin-
ce de Tyngry, composée de sa cō-
pagnie de Gens - d'armes, de deux
cents cheuaux legers, & trois cēs de
Carabins, estoient logez à Tenlé,
vne lieuë & demie de loigny, com-

manda à Monsieur de Praslin pré-
 dre trois mil cinq cents hommes
 de pied, & huit cens cheuaux, pour
 les inuestir, & manda à Monsieur le
 Marechal qu'ô luy enuoyast deux
 bastardes pour forcer ce logemét,
 lequel ayant prins l'aduantage de
 son cháp de bataille, feit marcher
 toute son armée, feit tirer seulemét
 quatre coups du Canon, aussi tost
 après lesquels les ennemis feirent
 faire vne chamade par vne trom-
 pette, se rendirent à condition de
 sortir la vie sauue, avec le baston
 blanc, & fait serment de ne porter
 iamais les armes contre le seruice
 du Roy, & que tous les chefs de-
 meureroient prisonniers de guer-
 re, le butin départý de ladite aduā-
 garde & ainsi rendu se monte à
 plus de cent mil escus: le Prince de
 Tingry a fait perte de plus de cin-

quante mil escus à sa part, il y a esté
prins de sa despense ordinaire qua-
tre mil escus, douze mil escus pour
le payement de ses gens de guerre,
vingt pieces de grands cheuaux,
& pour dix-huit mil escus de pier-
reries : Monsieur de Mayenne pa-
rut avec trois gros de Cauallerie,
demie heure apres que la retraicte
fut faicte. Ceste deffaicte fut faicte
mercredy vingt-vniesme Octobre
mil six cents quinze, à cinq heures
au soir.

Vostre bien affectionné
DE LA VAL.

ANNALS OF THE
THE AMERICAN